



Na osnovu člana 95. a u vezi sa članom 154. stav (1) i (2) Poslovnika Skupštine Unsko – sanskog kantona („Službeni glasnik Unsko-sanskog kantona“ br.5/04) na prijedlog Zakonodavno – pravne komisije Skupština Unsko – sanskog kantona na devetoj redovnoj sjednici održanoj dana 24.07.2015.godine, daje

AUTENTIČNO TUMAČENJE  
odredbe člana 36. Zakona o komunalnim djelatnostima

I

Ovim autentičnim tumačenjem se utvrđuje pravilan smisao nedovoljno jasne odredbe člana 36. Zakona o komunalnim djelatnostima („Službeni glasnik Unsko – sanskog kantona“ br.4/11, 11/11, 6/12 i 13/12).

II

„Član 36. Zakona o komunalnim djelatnostima glasi:  
(Obaveza vlasnika u slučaju prometa nekretnina i registracije vozila)

- (1) „Obaveznik plaćanja cijene komulane usluge za pruženu uslugu je vlasnik nekretnine ili korisnik kada je to vlasnik ugovorom ovjerenim od nadležne poreske uprave prenio na korisnika.
- (2) Kupovina nekretnina, odnosno prijenos vlasništva nekretnine se ne može ostvariti bez prethodno izmirenih obaveza komunalnih usluga koje je napravio prodavač, odnosno vlasnik nekretnine.
- (3) Registracija svih vrsta vozila ne može se ostvariti kod Policijske uprave Ministarstva unutrašnjih poslova Kantona bez prethodno izmirenih obaveza davaoca i korisnika komunalnih usluga.
- (4) Davaoci komunalnih usluga dužni su subjektima iz stava (1) i (2) ovog člana svakog mjeseca dostavljati spisak lica koji nisu izmirili komunalne obaveze.
- (5) Ograničenja iz stava (2) i (3) ovog člana primjenjivaće se na korisnike komunalne usluge za neizmirene komunalne obaveze nastale nakon 01.01.2012.godine“.

Shodno citiranom članu Zakona, proizilazi da se isti odnosi na komunalnu uslugu koja se naplaćuje za komunalne djelatnosti individualne komunalne potrošnje i na komunalnu naknadu koja je namjenjena za finansiranje obavljanja komunalnih djelatnosti zajedničke komunalne potrošnje.

III

Autentično tumačenje predstavlja integralni dio teksta ovog zakona, te se shodno primjenjuje od stupanja na snagu Zakona o komunalnim djelatnostima i objaviće se u "Službenom glasniku Unsko-sanskog kantona“.

Broj: 01-02-4-173/15  
24.07.2015.godine  
B i h a ć

